



11. februar 2014

FM14/55

Inatsisartut suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiupparput:

Inissialiornermut, illunut ataatsimoorussanut, illuliassanut il.il. tapersiissuteqartarneq pillugu Inatsisartut peqqussutaat nr. 11, 19. november 2007-imeersumi kapitali 4-ip allanngortinneqarnissaanik Naalakkersuisut sulissuteqaqqullugit peqquneqarnissaanik Inatsisartut aalajangiiffigisassaattut siunnersuut, taamaaliornikkut illuutit ataasiakkaat niuernermi naleqassusaannut naleqqussaasoqarnissaa qulakkeerneqarsinnaaqqullugu.
(Inatsisartuni ilaasortat Knud Kristiansen aamma Gerhardt Petersen, Atassut)

Tunngavilersuut:

Ilisimaneqarpoq, illuutit boligstøtte aqqutigalugu aningaasalersorneqarsimasut illusiniartunut Namminersorlutik Oqartussanit tunineqartarmata illup teknikkikkut aammalu niuernermi naleqassutsikkut uuttuutigineqartartut tunngavigalugit, tassa illup atortumigut naleqassusia illullu suliarineqarnerani sulinermit akissarsiassat tunngavigalugit, tamannalu pisarpoq illup nunap immikkoortuani sumiinnerseq apeqqutaatinnagu. Kikkulluunniit ilisimavaat Nuummi illoqarfinnilu anginerusuni, tassa nunaqarfiit illoqarfiillu avinngarusimanerusuniittut avataanniittuunngitsut illut nalingi anginerutinneqartartut.

ATASSUT-mit ilisimavarput, inissiat pisortatigoortumik pisiariumannikkumasinnaasunut tuniniarneqartartut annerpaamillu akiliiumasunut tunineqartartut, tassa Namminersorlutik Oqartussat aqqutigalugit niuernermi akigitinneqartut qulerarterutaanik annertussusilimmik. Taamaammat pisariaqarpoq Namminersorlutik Oqartussat akisussaassusilimmik iliuuseqarnissaat tamannalu qulakkeerneqartariaqarpoq boligstøtte aqqutigalugu illuutitut atatillugu taarsigassarsiat sinnerisa niuernikkut naleqassusiannut naleqqussarneqarnerisigut tamannalu pisariaqarpoq taarsigassarsiniarsimasut ataasiakkaat akileraarutitigut eqqorneqaatiginngisaanik aqqissuussinikkut.



Pissusissamisunnngilaq boligstøtte aqutigalugu illuutillit, 1 mio. kr. sinnerlugu akiitsoqartitsisarneq naak massa illup niuernerminalinga taamaallaat 250.000 kr.-it missaannaanni taamaallaat naleqaraluartoq. Tamatuma malitsigisaanik boligstøtte aqutigalugu illuutillit teknikkikkut akiliisinnaassuseqanngitsutut inissisimalersortinneqarsinnaasarput, tamatumalu kingunerisaanik ilaqutariit taamatut nalaataqartartut naapertuutinngitsumik aningaasaqarnikkut ernumassuteqalersinneqartarput.

Boligstøtte aqutigalugu illuuteqalersinnaanermik aqqissuussineq ATASSUT-mit tapersersugaraarput, taamaattorli ineqarnermut tunngatillugu niuernikkut ingerlatsineq allangoriartorsimavoq, taamaammallu naalakkersuinerminik suliaqartugut taassuma tungaatigut akisussaassusilimmik iliuuseqarnissatsinnut piumassuseqartariaqarpugut. Tamannarpiaq tunngavigalugu siunnersuut manna ATASSUT-mit saqqummiupparput.

Pisortanut aningaasatigut allaffissornikkullu kingunerisassat:

Siunnersuut taamatut iluseqarluni akuersissutigineqassappat pisortanut aningaasatigut allaffissornikkullu suliasat annertussusaannut naapertuuttumik aningaasatigut kinguleqartitsisoqassaaq.

Kingunerisassaasoq tassaavoq inatsisit tunngavigineqartut allangortinneqarnissaanik suliaqarnermi inatsisilerituup ataatsip imaluunniit ilinniagartuup ataatsip ukiumut sulinerata qulerarterutaatut naleqassangatinneqarpoq, taannalu aningaasanngorlugu 50.000 kr.-it missaanni naleqarpoq, tamatumalu saniatigut inatsisitigut naleqqussaannermin piareersarnermut nutserisitsinertalimmut aningaasartuuteqartoqarsinnaalluni.

Namminersorlutik inuussutissarsiuteqartunut aningaasatigut allaffissornikkullu kingunerisassat:

Soqannngilaq

Innuttaasunut aningaasatigut allaffissornikkullu kingunerisassat:

Ilaqutariit Boligstøtte aqutigalugu illusisimasut illup nalinganut sanilliullugu annertoorujussuarmik akiitsoqartutut inissisimasut aningaasaqarnikkut toqqammaveqarnerat



ATASSUT INATSIARTUNI

pitsanngoriartinneqassaaq taamaalillutillu aningaasaqarnikkut isumannaannerusumik
inissisimanissaminnut periarfissaqartinneqalissapput.